

栖真館集

齊集卷之八

四明屠

修

會稽呂胤基充符選

七言律詩

瞻趙太常之陌都

丹青九列奉常清白日千秋抗疏名可是君王春  
南顧懸知太史奏東行占農蚤下憂時淚訓傳愿  
深舉火情莫謂野夫無一事中宵長望泰階平

贈嚴以訓王孫

金貂直帝闈風雲漂泊舊王孫承恩莫問三  
朝事多難猶憐六尺存見說丹成勾漏鼎何妨客  
散魏其門與君會采神芝去咲指蓬萊白浪翻

洞庭霽曉爲龍伯貞

蒼茫八百洞庭君玉殿珠宮畫戟分遂有天風送  
仙鷁懸知水府乞霽文朝行青草雲颿疾暮泊黃  
陵寶瑟閒沽酒買魚同估客葦花細月對斜曛

寄喻邦相太守

曾駟五馬仙都裏又指雙龍谷水陽到處山川出

辭賦恠來雲霧滿衣裳門前倒屣迎逢客野外停  
車問翳桑我已歎尋梅尉去須公人代作津梁  
君來吾久去由拳不及湖頭共酒船勾漏丹砂粗  
欲就河陽花事已茫然平原村古留山寺松蘿祠  
荒漲水田閒道歲侵勞撫字涼風輸我北窓眠  
陳伯符博士東來見訪屬其尊人以書促歸  
臨江而返使來却寄

興盡山陰雪夜航蠨蛸網戶月臨牀到來一蒂非  
難渡接得鰲魚恨轉長孝女江深應有路黃姑津

遠尚無染石窗樊榭雲俱冷不羨仙人薜荔裳

哭諸孫紹龍大學

憐君生死秣陵關官未成名鬢未班寂寂堂前華髮在蕭蕭江上素車還棋枰從此收殘局花木空然憶故山愁絕一發供總帳藁砧猶自夢刀環

寄丁元甫二首

偶作名山采藥行主人不厭布衣輕得如劉尹過玄度豈是臨邛客長卿野騎蕭蕭烟外發江帆渺渺雪中明招携幸有佳期約但到香臺無世情

案牘如流靜不譁閒來猶種縣門花青衫森李三千士白屋桑麻十萬家時共麴君掄彩筆更從羽客問丹砂題書何以明相憶贈爾天台峰頂霞  
贈周養虛道者

一笠雲遊遍八荒豈知大道在家鄉虛空似粉留真訣混沌如綿謁紫皇看取兔鷄湏沐浴定應鸞鶴得個翔三山本是神仙地况復龍宮有禁方

寄蕭以古太史六晉時奉命校士越中

書來訂西

湖之約  
辭不赴

蕭史翩翩實楚才  
遍緇霞笈坐瑤臺  
西清暫別楓宸下  
東土行收竹箭來  
不敢謂斗間龍氣合  
正逢江上鴈聲哀  
海門遙對蓬萊閣  
直泛星槎雪浪迴  
向來辭賦借山川  
才子胸中五色烟  
雲夢綵毫吞八  
九錢唐強弩射  
三千鳥飛葭莢  
天如鏡客倚芙  
容秋滿船定跡  
西泠橋畔月一  
杯何處喚逋仙  
疋馬當年出薊  
門河梁風雪解  
裝恩無論文字  
千秋在且喜饑  
寒八口存身比  
孤雲窺石洞家  
依流水隔花源  
白鵝赤鯉俱堪  
控爲道脩羊謝  
至尊

歸來門巷澹無營。菜圃瓜畦隱計成。天上終然召  
方朔。世間久矣棄君平。時時煉藥脩金液。夜夜焚  
香禮玉清。他日山頭下神水。一丸應見故人情。  
何言金馬詞臣賢。應作神霄散吏看。君自登壇誰  
不羨。我因行路已知難。手攀少室三花樹。頭頂東  
華九炁冠。珍重魚牋申舊約。年來真嬾下蒲團。  
長安猶憶共飛觴。酒德空慙賀老狂。人道登徒詭  
宋玉。天教都水屬華陽。已將歲月銷芝檢。豈有風  
波到竹房。何限寒莎啼絡緯。思君秋雨夜連牀。



寄吳韞菴方伯

公與蕭太史有西湖之約病中簡舍

湖上秋容秀可餐  
賢豪海內共登壇  
但逢寄書紅亭出  
每到懸崖碧樹蟠  
手掬清泉浮玉藕  
眼看蒼鯉劈金盤  
一時牛耳千年在  
應想踈狂老釋冠  
悟空世事物無憑  
即使名山亦嬾登  
上客徒傳天外信  
道民祇戀佛前燈  
湖頭夜雨沉三竺  
馬首秋雲擁六陵  
十里芙蓉遙送酒  
可能東酌海霞昇

寄萬憲長

聞君握節長西湖  
湖上秋風下白鳥  
畫舫新篇獨

桂釀官衙香飯薦雕胡百城南面諸侯賢千駟東  
方下吏趨並海間閭癘瘵後家家父老望來蘓  
當時寒朗義何敦口不言恩心默存同榜功名君  
最達早時丘壑我稱尊祕書萬卷留仙局諫草千  
秋在掖垣此日西湖念朋舊政披野褐卧籬根

題畫

郊屋蒼山隔幾家行人步步入桃花岸廵畫舫通  
波折柳撲銀鞍細路斜烏帽緋衣嬌落日青帘紅  
板映昏沙不知何處窮遊屐好與群鷗共水涯

寄陸君策時將北上

青溪明月照琅玕何夕花開不共看即使故情長  
不改要如此會定應難我依綠水終漁釣君逐黃  
沙尚馬鞍衣帶一江河藻隔書來惟有勸加餐

會彭欽之

采椽何必問綏山學道年來蕭閉關藻女出宮猶  
見妬秦人避地豈須還祇緣環堵家爲累終日蒲  
團身未閒粗了尚平婚嫁事不難揮手去人間

會方衆甫

吳門燕市惜連枝，夜夜挑燈把濁卮。誰料風波  
相失，遂令河漢杳難期。煉成瘦骨堪騎鶴，忍得饑  
腸好茹芝。今日介推惟母在，但言出世不須疑。

寄贈陳仲醇

才子方馳海內聲，早慙不律謝諸生。東方耻載公  
車牘，司馬惟留石室名。文苑何如仙籍貴，時人猶  
咲布衣輕。暫遊都市終須去，與爾龍霄殿上行。

寄曹重甫

水冷青溪自白鷗，菰蘆土在令歸休。雄心無復看

龍劍堅性真堪擁鹿裘別後翻今追逞日書來轉  
恨不同遊牀頭金盡賓朋散惟有曹丘憶故侯

禽于鴈先

窟居海島似染鴻豈有千秋臯伯通毋在未應遊  
五岳道成真不易三公霜高品桂仙壇肅水凍瓶  
梅佛火紅若問道民栖隱事身依窮巷氣凌虹

贈周參軍

周好俠鄴

羨君俠節古無倫况與專諸里巷隣門外時聞朱  
亥過酒間寧受灌夫噴千金不惜長資客七尺

然肯借人老我雄心因爾發三杯耳熱拚龍廚

二月花朝得王恒叔書無惠酒后筇杖壽家

母太夫人九十是日余適爲母氏舉壽筵

萬里星輶載雪霜南還未解劍門裝海邊忽憶梁

鴻隱縣上因思介母康勞得盤江青竹杖寄來縣

甫紫霞觴板輿政是娛親日酌酒看花意不忘

感時惜別故人心一失風波歲月深此日聞君過

剡縣可無乘興下山陰著書自春丘中賞學道寧

爲澤畔吟舊有桃花台嶺約清溪茆屋許相尋

補陀洛伽山 代作

西教東流到補陀金蓮花發映娑羅星河歷歷黏  
青藻島嶼纍纍浸白波龍獻寶珠歸象罔僧留香  
飯與黿鼉我來欲發如來藏老傍寒松學鳥窠

贈王少府

先生六十七始舉一孫其子伯貞  
能辭賦與余善

提戈逐虜靖江藩黑髮歸來卧鹿門政喜孤松留  
鐵幹又看老竹長龍孫竇雲寫溜喧青嶂剡雪霏  
烟送綠尊舊有桃花源上約與君霞外吐真言

贈張半空道者

盟手林香讀五牙人生石火事堪嗟經心園柳初  
凋葉轉眼江梅已着花佛母圖來天竺國太函書  
到上清家宅年倘接浮丘伯桐栢宮前御彩霞

升屬丁南孫繪佛母圖爲壽  
伯至司馬作叙

椒盤綵勝入新篇白社書憑青鳥傳縣上隱將從  
介毋環中道已奉回仙六時自理香臺業八口猶  
餘火宅緣惆悵關門空紫氣令人轉憶聚星年

豐子諸子舊詞盟善病俱言似馬卿老去不聞修  
玉液渴來空自想金莖定知文苑能占籍可是丹



臺未列名風雨苦多晴日少百年強半屬憂生

仲淹

仲嘉建元書俱稱病故云

函中人啞香岩室繞屋扶疎種貝多今代傳衣同  
大監古來示疾有維摩問看世事俱成習但理詩  
筒亦是魔我欲往參龍象法那堪雨雪阻關河

元日歌鐘起市喧紅塵飛不到祇園山中雨候登  
猶賴樹上風瓢挂亦煩空谷覺然勞尺素故人久  
已絕寒喧年來若問幽棲事坐擁團焦獸掩門

元日會龍伯占使君

元日日食天復陰朔風獵獵吹寒林海國飛霰凍  
欽落農家濁醪貧自斟踈梅春發野香細黃雀晚  
墮樓影深肉食憂時發卹締獸理團焦宵漏沉  
一捧椒觴念野人知君風骨自清真因思故國傷  
漂泊便枉新詩問隱淪仙吏原占名士籍如來聊  
現宰官身桃花萬樹三生約賴汝漁郎問舊津

寄壽顧母覃太夫人八十

阿母璫裾啓壽筵郎君節鉞政臨邊歌傳葱嶺于  
闐曲客到遼陽華表仙皓月金甌娛永夜寒星寶

嫠應長年鑿囊虎帶頰霞色玉札書來小有天

劉觀察小影二晉

舉孝廉

六朝驅入彩毫中名冠詞曹氣轉雄蘭葉伎歌槐  
葉雨錦韉馬踏木樨風牘幾勞倩公車富賦擬相  
如大獵工南國琅玕筐篋在至尊召見未央宮

入直

報主平生願不違瑣垣日日侍彤闈天門仙掌朝  
承露閣道星河夜濕衣地近應知休沐少時清敢  
說諫書稀皂囊封罷林香望萬樹宮花映玉扉

課子

三雛合是河東鳳一鶴歸來率表仙  
堦王可能忘謝傳籙金應不動  
帝賢霞編晝覽芸窓靜星藻宵  
連黎火燃牲起諸郎真頡頏知公擁衲得安禪

元月龍郡丞楊黎二別駕王編修余舍人過  
栖真館觀燈余適有腰疾不能成禮有作

草堂元夕駐旌干凍月踈梅點石闌居以一椽容  
驟易病猶五斗折腰難終慙學道形骸累歎喜論  
心禮數寬濁酒醉人藜藿飽不嗔踈節轉成歡

花朝寄懷侯龍泉大將軍

與道民有補陀之約

春日牙旗幕府閑  
樓舡疊鼓動江關  
神芝瑶草鄰三島  
寶玉文犀貢百蠻  
酒醒海風吹練甲  
詩成戍月滿刀鐐  
思君夢落潮音洞  
小白花開映雪皚

寄懷孫以德

野水桃花漲大隄  
故人讀禮住梁溪  
泥垣春雨蠟半消  
灌木空山謝豹啼  
急管已喧青雀外  
悲風猶在白楊西  
思君轉憶河橋日  
吳越音塵黯自低

徐華陽中丞平羌功成書來却寄

大破氏羌靖益州宣城文武氣橫秋寧渠死戰能

摧敵合是先聲已伐謀將自瀟陵呵後起

故將軍郭成平

國俊珍朝賊南中人呼爲龍將方因文法上特遣詣軍中公使過川之卒以成功

功從肥

水局中收西人永服天威在漢使無煩蒞督求

君侯仗鉞事西征萬竈潛屯王壘營忽訝魚麗衝

虜陣直從鳥道度天兵黃雲盡助旌旗色黑水遙

連刁斗聲充國千秋同振旅廟謨先已上金城

帝命宣威討不庭峒蠻久矣阻皇靈軍前一自收

龍將勝後真疑下建旆野曠秋霜明白練天寒夜

月照青萍書生亦有如椽筆好勒豐碑劍閣銘  
憶昔分携路水邊旋聞握節向巴川當君西嘯揚  
眉日是我東歸抱膝年銷盡壯心堪自老煉來凡  
骨漸應仙也知度世英雄事看取陰符黃石編

寄龔李玄白

共說君才似子虛藻庭猶未薦相如蕪葭雨艇供  
垂釣蒼荀香林聖著書但使辭華能吐鳳何言金  
甌飲生魚道民真得丘中賞自領鳴蛙水滿渠

汝南王季問道丈過訪余海上有贈

葉縣高仙今名更聞彭澤善遺榮漁舟只自尋  
秦隱鳬鳥何嘗入藻京一洞天邊排紫霧雙壁石  
上飯青精看君道氣羲皇侶好結烟霞物外盟

補陀洛伽山八首

蘭若孤懸大海中山根四面插蛟宮浪推旭日排  
天出風靜涼蟾照影空異鳥聲和仙樂細霧蒼背  
閃佛燈紅神州別有三摩地况與蓬萊只尺通  
不斷潮音響石淙蒼厓陡絕杖孤筇天浮島嶼雲  
飄亂殿壓龍鬣雪浪春曾共鳥窠茶了義還依龍



藏計玄宗日斜空水澄如鏡微有冷風送暮鐘  
獸上磐陀四望寬青螺一帶抹烟巒樓沾厓氣全  
疑濕潮落沙痕半未殘波面紅蓮開十丈晶前紫  
竹長千竿竭來煩惱圓通理手挈銅瓶汲巨湍  
不因法喜到翁州那識乾坤屬一漚欽就此中超  
刳却更從何處覓閻浮雲光佛日三千界海色仙  
人十二樓幢蓋蕭蕭金磬冷碧山黃葉寺門秋  
翡翠臺吞島樹眞珊瑚簾控海峰青香船暮客飄  
投浦寶璫霜鐘月在瓶聖主紫泥封賜詔內官黃

帕捧國經人非人等俱聽法夜半龍來殿不腥  
搏桑日出曉蒼茫森森行空一翬航誰擘銀濤開  
寶界直扶擎柱駕金梁僧歸水府袈裟濕女散天  
花佛座香懽得無邊光及岸了知東上是西方  
何來驚嶺削千尋大士端居紫竹林日月高窓懸  
行扇烟霞古洞響潮音五雲瓊瑤莊嚴妙七寶瓊  
璃般若深菩薩泉名功德水但教一洗盡凡心  
凍巢時有鶴來歸舟楫雖多鷄犬稀絳月夜侵龍  
女襪碧雲秋冷梵僧衣祇因海浪蕪天遠轉覺香

臺與世遙塵土劫灰都不到蓮花開落是禪機

冬日集華茂先松坐

黃君博物真古

雲林金粟饒清流煮茗松香事事幽三尺古松寒  
抱石一牀斜日脫衲樓霜前紅蠟瑯窓映霞外青  
編曲几留叔液隅蕪和氏璞恠來寶氣夜連牛

寄君陽申翰京邸

憶得携家雨雪飛已聞染翰侍彤闈憐君歲月覆  
蓬髯輸我滄江一布衣疲馬踏穿京洛土荒徂啼  
今故山薇何年定了梁鴻約五噫歌成事轉非

寄梅禹金蕪憶君典太史

南國西園異代名管絃嘗自譜新聲公車累罷三  
十牘辭賦能高十五城若下酒深提劍舞茂陵花  
好挾書行君看太史風流者一片寒雲暮道平

同黃白仲李子年登張孺宗烟波閣限韵

大湖水色抱層闌雨後蒼茫萬竹寒柳外輕烟飛  
縹緲橋邊小艇出迴盤深杯望惜春光暮高閣偏  
宜落日殘我欲携衾卧凉冷開懷惟許白鷗看

輓顧方壺祕書

開門置驛客如雲，俠氣文名四海聞。  
座有憑陵灌仲鴉，家藏然諾季將軍。  
閣中無復燃黎火，架上空留辟蠹芸。  
我佩古花三尺鐵，未懸心已許徐君。

李漸甫携尊酌余青蓮館

城隅高館燭花明，酒入更闌歌轉清。  
江雪凍含楊柳色，河魚夜上桔槔聲。  
逃名終似韓休伯，埋照無如阮始平。  
只尺東林僧梵寂，也知不負虎溪盟。

過錢太守故居

一官脫手萬緣空，只取年華付酒中。  
野徑桑麻廬

吏宅匏尊芋栗古人風半邨牧唱秋烟白數點漁  
燈夜浦紅信宿高坐論世外主人元是祝鷄翁

姜泰符給諫以言事左遷雲中尉暫還里中

却贈

都門分手泣刀鐮世事滄桑指顧間芸館三年抽  
鳳藻皂囊一疏犯龍顏天寒碣石詞臣去風急渚  
沱壯士還暫向蓬萊看碧浪漂零終不恨陽關

賦得長亭柳戲爲全公子贈其青衣柳生

何物長亭綰別離千條萬縷恨低垂烟迷暮色初

簾帳水溫春痕欵上眉隋帝宮前風裊裊靈和殿  
裏雨絲絲可憐不繫青驄馬酒醒章臺月落時

輓董子儒給諫

使星初轉諫垣明綵筆銀題南國行疏比鳳鳴猶  
未上賦傷鵬鳥已先成相傳生爲丹砂誤曾否身  
占石室名替易連牀鐘鼎食了知天道本虧盈

食萬純初叅戎

純初鹿園居士仲子精禪理

但領逍遙出世緣未論成佛與生天情塵不染幾  
應熱心行俱空理自圓花逕鳥來窺座語郊堂客

去掩書眠中軍名理過支遁何日同參象外玄

郭使君以南海督學遷山西少參書來

寄

蠻烟瘴雨濕車輪采得明珠是大秦  
鮑靚藥爐留白豹寫洪丹井出蒼麟  
不辭遠道傳仙札無裒名香寄佛氏  
嶺表初歸汾晉去梗枻今日作勞薪

### 禽贈李退思

雲滿空竺水滄渠客來長共把碑礫  
論交獸與賢豪密避俗猶看世法踈  
架上芸香堪辟蠹堦前草帶可供書  
薛羅自眷丘中賞不願時人薦子虛



送何慈溪應召北上

循良郡國下徵書東海何侯似魏舒樓櫓千人遮  
彩鷁壺漿百里擁輶車飛鳬朔旦趨朝日鳴鳳朝  
陽獻納初從此去思碑在口慈湖堂上有懸魚

送陳立甫司理應召北上

竟陵才子握驪珠吏隱三年坐海隅匣裏藏書探  
宛委閣中斐几對蓬壺忽承仙露黃金掌忍去玄  
宮白水都方外別君難再晤可無酌醴飯雕胡  
送客芙蓉秋欲紅垂楊不繫使君驄空今載酒耶

溪浦柰可乘槎天藻通夢去關山千里隔夢來水  
旱萬方同王珂金鑰修封事首爲江南賦大東

寄舍鄒孚如吏部兼柬長安諸舊遊

宿昔黃冠稱道民飛沙朔野暗車輪不難判籍辭  
京國默苦臨河別故人靈鯉遠投雲夢札一竿無  
恙鑑湖身自移槐樹栽津口待取君來訪避秦  
今日題書默有君當時逆旅客如雲藻宮並馬趨  
朝散燕市飛觥到夜分誰料沙蟲能射影遂令塞  
雁惜離羣不才棄置真吾分安用三家誓墓文

閱盡人情是九疑海濱寂寞好栖遲介推有母身  
猶健原憲無田歲復饑學道一身將絕粒携家八  
口共餐芝經綸公等方多事野老商山卧穩時  
山公不用問蒿萊嗔息團焦日幾回文絕未如中  
散傲書成終謝馬遷才生來文字身爲祟老去英  
雄氣轉灰領得逍遙還造化敢云名姓已丹臺

寄會朱文臣勲部蕪東趙夢日考功

兩度緘題問隱居寒林風葉意蕭疎門前謝客堪  
羅雀江上垂竿不釣魚洞府頗營千歲藥名山蕪

著一家書郎郎才子君同舍長憶河梁雪滿車

送呂玉繩應召北上

堪慰趨庭捧檄情  
卑卑才子赴嚴程  
曉颿秋浦無  
改色  
晚店官橋絡緯聲  
八月靈槎上天漢  
五雲高  
闕接華清甘泉扈從長  
楊獵綵筆須君賦二京  
屢夕宮衙擬稿梧  
三年秋草憶薜蘿  
燕父淹吏牘滄  
洲隱忽捧天書紫殿趨  
皇父仲山元補衮  
王孫洗馬欲傾都  
皂褱先疏東南苦  
願議常平免歲租

寄曾景默憲副二首

感來涕泣向鍾期深負生平國士知  
王是連城終自信謗雖三至不須疑  
樓臺藥竈梅仙宅烟雨湖舸賀監祠  
揮手英雄尋退步留侯焉爰赤松師

何言末路有含沙領得閒身鬢未華  
濁酒黃花過蠓市荒村紅樹隔漁家  
老營丹井惟澆藥賤似青門不賣瓜  
負郭無田逢儉歲仙人傳法教餐霞

席上再贈帥惟審

一官邠舛耻依違玩世東方尚苦饑  
薄俗誰能降宦拙高情我自賢  
知希江城雨後黃花冷海市霜

前紫蠟肥委巷不妨頻歇馬荒林斜日戀清輝  
鋪嬰世法解天弢酒德文心轉自豪一夢此官直  
覆鹿百年何物勝持螯山中薜荔宜秋屐湖上天  
容憶暮初束帶猶然趨長吏輸予散髮卧江皋

哭王季夏太史四晉

有酒難澆長恨端秋風颯颯敗崇蘭揮毫南國稱  
才子待詔東方亦羨官七尺龍泉初出匣一堆馬  
鬣已封棺流雲泡沫湏臾事生死交情淚不乾

懸知上帝急英雄回也修文壽亦同三殿鵷鸞容

易列九關虎豹若爲通陳思莫愛遮須國白傳應  
歸楚率宮形骨忽銷神不沒精芒夜夜指星虹  
三年卧病任林園萬里勢家死國門短旄津梁救  
王節素車風雨易華軒仙炊午店邯鄲夢鬼火秋  
原潞水魂轉不如予貧賤好布衣漁釣老江邨  
只尺鳬將朝紫宸誰知鵬已上承塵介推有房身  
難死伯道無兒家復貧浮白尊空賓客散流黃機  
冷淚痕新百年脩短君休恨遺草應爲千古人

武陵龍君超入四明省其尊公伯貞先生遂

視弟君善永嘉因遊天台雁宕諸勝賦贈二  
東郡趨庭日檢書西堂夢草復膏車蟾蜍澹月明  
河夕蟋蟀涼風碧樹初罨屐不辭仙路香一瓢轉  
與世情疎永嘉見說多靈藥黃猷青精手自鋤  
金庭玉室接丹丘勝具真稱許遠遊落日寒山逢  
虎跡斷虹飛瀑掛龍湫松花仙釀空壇寂榭葉僧  
衣古殿秋康樂由來憐小謝長林襟袖可淹留

王百穀賦蟠桃篇寄壽老母畚謝二首

茫茫吳越隔風烟夏甫深居土室年長憶石湖青



雀舫投來瑤水白雲篇妻賢自下機中錦母在元  
無綿上田隱計初成身漸老凡心已盡骨應仙  
不分桃花解誤人清江且得學垂綸君言賀老非  
仙骨我信王珣是佛民間說禪心今寂寞惟來綵  
筆尚嶙峋四方災異時時有何處青山好避秦

寄訊龍君善三晉時伯氏君超南行

莫爲卑栖歎一官輸君坐領水雲寬秋風寶劍笑  
蓉匣夜雨空空背霜盤孤寺潮迴龍藏迥千林木  
落雁峰寒遙知兄弟裁詩處南國同登上將壇

司馬何人薦子虛安仁政得賦閒居曾因學道探  
金簡豈娛橫經聖石渠秋浦蟬肥供濁酒夜窓螢  
冷墮殘書剝溪水與東嘉接訪戴風流我不如

祇壇仙籍兩知名共羨君家好父兄語就阿戎情  
更慙詩憐小謝格尤清野人自愛黃花徑素業深  
慙白社盟太王容成靈蹟在向來何洞壑暮枰

贈王初陽道人

赤松行雨甯封烟從古英雄合是仙海上九還金  
骨就遼陽百戰鐵衣穿風腥胡血朝揮劍月黑邊

沙夜控弦辭賞歸來呵醉尉將軍四壁忽蕭然  
入道雄心莽未平對君四座颯風生白猿劍術空  
中見玄女兵書匣裏鳴塞北虜人猶問姓江南藥  
肆好藏名朝廷水旱方多事且訪安期住赤城

九日同龍伯貞郡丞登清道觀二首

佳節登臨泛菊觴翠微深處見丹房千尋磴道盤  
空出一線江流抱郭長斜日山容烟漸紫寒林霜  
氣葉初黃竹間戲對仙人局時情松風掃石牀  
上真司命有行宮霜落秋壇玉界空紅樹萬山連

海外白雲千頃似封中神仙笙鶴尋常過城郭人  
烟只尺通玄賞生平端足愜與君揮手御泠風

九日龍伯貞招燕慈湖

湖草蕭蕭湖水平天青澹月浸寒城露華夜淨陰  
蘿色蟲語秋蕪落木聲學道真成仙吏隱好賢深  
見古人情不將歌吹妨名理物外相期緱嶺笙  
秋日同伯貞使君酌顏應雷侍御宅

平遙野水路逶迤郭外青山面面垂橘柚寒香低  
曲徑三芙蓉秋色滿空陂譚清玉塵情初洽聖對冰

壺席屢移敢說相如能慢世井丹高潔是吾師

永明寺與伯貞先生聖語

寺門瓦落挂霜藤閒與君侯說廢興秋老紫苔生  
卧佛日斜黃葉映殘僧蠹魚古壁銷千歲風雨空  
堂暗一燈勘破此中須了悟昆明劫火向無憑

永明寺贈蓮舟上人

年深寺廢一僧孤梵行精持悟苾芻門掩寒燈惟  
貝葉客來香供只伊蒲玄宗靈遣情塵有心印準  
提佛性無蕩累了知貧自好許君撒手到毗盧

龍使君馮方伯携酒送余清道觀

提壺走馬送河橋  
覽勝因尋洞壑遙  
林木伐來山盡出  
天風吹得酒初消  
崖崩古殿埋秋磴  
日落寒江漲晚潮  
望久白雲頻度檻  
丹楓黃葉映蕭蕭

秋夜舟中懷龍伯貞

平江落日泛清秋  
借得仙翁蓮葉舟  
楓樹乍丹嬌野騎  
蘆花如雪散汀鷗  
微風度曲衣裳冷  
新月當空露收馱  
酌登艫望銀藻懷人良夜不同遊

冬日登呂調父祠部尊恩閣晚眺

仙都光祿在人寰飛閣層欄落照間郭帶河流迴  
曲岸樹吞雲氣失前山尊浮寒綠霜颯度簾捲空  
青夕鳥還句踐臺荒王謝去恨無霧藥駐朱顏

燕調父捧日堂

騎箕人去事虛皇捧日堂存挂夕陽雲霧自能通  
戶牖薜蘿漸可剪衣裳石邊落葉填深井池上寒  
花媚曲房公子翩翩真愛客西園飛蓋雜清商

調父王蘭堂卽事

東閣圖書惜逝波西州臺榭枕山阿卽看霄漢金

楚遠漸喜階庭王樹多辭賦春雲供灑翰管絃  
月引徵歌會稽門第推王謝人物全疑晉永和

詞父薜葉園

爲園政近蓬萊閣好學時探宛委編徑路透適綠  
避俗樓居縹緲欲祈仙白雲深隱燒丹竈綠水斜  
通載酒舫最喜黃冠來下榻清燈永夜細譚玄

謁禹陵

一授玄夷畫九州遂登大越會諸侯名山瘞地留  
冠舄香火齋宮肅冕旒古碣千年蝕苔蘚神顛十



里起松楸王書金簡無消息日月蒼茫江海流

尋蘭亭

野鳥啼烟猿嘯霜蘭亭遺址問斜陽茂林依舊多  
修竹曲水何人泛羽觴終是銷沉歸氣韵亦知曠  
達等彭殤眼前誰復如王謝歎息空山落葉黃

徐良甫見訪飛仙觀賦詩投贈和舍

漢陽太守擲金魚賀監祠旁好卜居祿過邴容堪  
自免才如叔夜未應踈白雲閒借山中屐黃葉寒  
飛架上書倘許遺民稱社爨不妨長日命柴車

君知物外有閒緣林壑逍遙及盛年愛客喜隣沽  
酒肆好文留得買書錢寒烟橘柚城隅路秋雨芙蓉  
剡曲舩我欲修真焚不律與君樓上挾飛仙

贈御史大夫趙麟陽先生

朝端抗疏欲回天一往衡門十五年侍御賜環趨  
殿陞中丞持節撫窮邊垂紳遂總西臺憲聽履仍  
看北斗懸功在旂常名在史霜姿冰骨脫逾堅  
安危讞傳在山中古柏烏啼憲府空意氣九天高  
擊鵠文章四海薄雕蟲書探神禹玄夷使家近真

人白水宮昔禮黃冠爲上客細論丹訣印叅同

贈劉肖華郡伯

若耶白水接丹梯劉寵重來守會稽大禹碑存秦  
壘下右軍池在叢山西鳴騶閣道松蘿應視事晴  
窻雲霧低政蘭俗淳資卧理千巖萬壑待書題  
朱旛熊軾諸侯貴紫禁鷄香卽署才文學探書到  
宛委神仙領郡得蓬萊放衙盡日泉聲遶立馬平  
岡雲氣來三月頌歌彌四野如今循吏屬鄒枚

趙公雅叅軍邀登叢山

天風吹上叢山巔蒼莽波濤海色連路遠蓮臺經  
卧佛人行松頂挾飛仙寒花敕敕明霜堞暮雀嗽  
嗽遍野田越絕英雄今古恨白楊紅樹墓門煙

戒珠寺是王右軍故宅

畫棟雕梁結綵虹一朝捨作法王宮慈雲遠護珠  
林外慧日高懸寶界中悟得浮生俱傳舍了知大  
地本虛空都城甲第連薨起轉想千秋名士風

趙公雅文園二首

小橋野水夾平沙只尺幽林隔萬家遠寺微風度

山磬飛樓斜日隱城笳庭空霜橘垂朱實樹老煙  
藤落紫花月白犬聲真似豹消身清露卧蕪蔭  
避俗爲園面碧岑幽人杖屨得相尋露涼枯草鳴  
蟲切水落殘荷游鯉浮物外有期頻載酒丘中無  
事可橫琴石軍自喜從玄度相向烟霞結素心

贈王時鳴山人一晉

君才鷹隼厲清秋出塞曾隨龍額侯帳下鐃歌堪  
倚馬軍中合樂試椎牛歸來門巷留孤劍肯使風  
煙老散裘日日青溪紅樹裏登山屐齒釣魚舟

寄贈李使君

種藥栽花事事閒，肯將軒冕棄紅顏。  
春風曲塢辛夷放，秋水橫塘屬玉還。  
客到開尊傾白墜，興來點筆頽青山。  
不因訪戴乘舟出，村落經年只閉關。

鄒彥吉使君邀同馮開之馬心易燕集真如寺

使君燕客太湖東，行盡溪橋入梵宮。  
野騎駸駸紅樹裏，亂鴉漠漠白烟中。  
殿含霜氣金幢冷，香散經聲寶界空。  
錦帶不嫌居士服，忘形真見上皇風。

滿天霜月夜蕭森，坐愜幽人物外心。  
千歲梅根盤石老，一林竹色古牆陰。  
丹經共討玄元秘，寶藏仍參般若深。  
何論平原期十日，他年結社在東林。

贈陳孟常孝廉

羨爾才名起赤霄，嗟余浪跡託真寥。  
曾連湖舫登三竺，舊識文章冠六朝。  
吳子水犀橫櫓李，錢鏐強弩射潮鴻。  
都虎觀他年事，莫爲玄亭歎寂寥。

冬日經裴丞相故宅

非衣公議是前因，日月光中現寶輪。  
塵淨不漂羅

剎國道成得度寧官身千秋留取慈航在三畝今  
爲古寺隣讀罷豐碑荒草裏寒溪落日照荆榛

留別鄒彥吉使君

繡虎雕龍未足云相逢只訂五千文樓前煙雨停  
官舫湖上駕央識使君情在可無思朗月道成終  
自狎孤雲天寒歸拾青櫺子夢入滄江鷗鷺羣

長至日就李陳孝慈孟常邀同雲間彭欽之  
徐孟孺郁孟野集真如寺

長至開尊集梵宮天涯牢落歎飛蓬吹陵應律疑



鄒衍投轄留賓有孟公木葉蕭蕭映寒水雪花片  
片逐回風合歡此夕俱同調况復燈前舞袖紅

項文學兄弟邀集坐頭作

寒夜空堂坐二更清歌白苧燭花明朝雲釀雪爐  
添火孤月凝霜柝滿城歲晚短衣生計薄天涯長  
至客心驚相逢賴有盈尊酒莫問家山松桂盟

弃婦辭

夫理殘編妾織機天寒明月鑒羅幃朱顏老去心  
應變白首同歸事已非膏沐暗銷愁裏髩淚痕滴

蓋嫁時衣幽魂欲化孤栖雁歲歲依君墓上飛  
宿昔淒涼夫對妾如今富貴妾離夫春風刀尺催  
裁錦夜雨燈檠伴緝繡入戶可堪調芍藥上山不  
忍採靡蕪屢屢萬一君心悟何惜生前薄命軀

傅伯俊侍御自太原按節引疾歸輒東航海  
朝補陀還訪余句甬余適遊蘭亭不遇却寄

二晉

自卸神羊返使槎獸騎香象問恒沙因尋梅尉過  
吳市便禮如來到落伽電甲波臣扶一葦珠衣龍

女聽三車思君趺坐潮音洞咲采名山小白花  
遠來覺海問迷津歸到衡門訪隱淪西望終然慚  
令尹東行豈不奏真人向聞剡水能思戴敢說花  
源學避秦妻解烹雌母剉薦何緣掃逕遲嘉賓

就李喜遇傳伯俊伯俊訪余四明不遇而還  
至就李相見抱病伏枕

吳越茫茫何處尋乘舟空自返山陰祗緣去住人  
難晤翻使悲歡意轉深帆外孤烟迷極浦尊前片  
月墮寒林可知身有維摩疾證得文殊不二心

贈同年胡杭州二首

才子朱旆列畫熊分符輯王大荒東雲開海嶠千  
門曙潮撼都城百雉雄湖舫笙歌菱葉雨官街香  
紛桂花風君來深得江山助簿領應無辭賦工  
宿昔含香粉署隣天涯相失在風塵君爲紫綬專  
城客我作黃冠採藥民身事玉皇應不賤家營丹  
竈豈言貧鶴書迢遞三山近白日滄江一釣綸

贈鄒彥吉使君

當時咲別武夷翁短櫂清江五兩風許椽宦情遊

物外王珣素業在山中書成鴻寶真堪祕客望龍  
門不易通閉戶幾年曾一出布衣南謁玉虛宮

早學興公尋遠初生來傲骨耻籩簠黃花晚逕對  
名酒白日晴窓檢異書句曲山連都水隱梁溪家  
近伯鸞居昔年曾共烟波艇鷗鷺真同野性疎

初修丹訣駐朱顏遠自青羊橋上還松吹儘堪娛  
北嶽蒲輪無那強東山擁旄持節身逾貴掃地焚  
香意自閒從古市朝稱大隱淮南叢桂未須攀

憲府兵符坐秀州庾公文采復風流蕪葭蕭颯凌

湖舫烟雨微茫入郡樓下里南音採越榜土人鄉  
語近吳趨使君倒屣迎方外我已忘機狎海鷗  
雨中與龍伯貞連舟之槁李

搖搖雙槳出深聚最喜仙舟烟水同日落帆檣遙  
亂浦江清簫鼓上凌空千家寒郭沉疎雨兩岸枯  
桑吼夜風寂莫村酤無處覓譚玄啜茗一燈紅

冬夜與沈純父話舊

蓄花細雨一尊前銀燭燒殘說往年君自南荒歸  
折檻我辭北闕罷談天蒼茫世事堪蒿目瀕洞風

塵始息肩安石東山知不久暫時同領五湖煙  
憤時憂國柰君何且狎孤雲住薜蘿旱歲青原秔  
稻少霜秋紅葉蠨蛸多身閑自覓栽花譜耳熱曾  
無種豆歌野館連牀風雨夕長安轉憶醉叵羅

冬日訪沈純父郊居

郭外幽居只數楹經年閉戶少將迎匡時不改水  
霜色避俗仍多丘壑情千樹霜飈當檻落一灣野  
水入池平風塵朝市休關白細讀南華學養生  
風烟山嶺表路間關日朗天青甫賜環萬死其如龍

性在一官遂得馬暫閒留賓自喜尊前澤閱世猶  
憐鬢未斑九列歸來家四壁著書且復理名山

贈金伯韶同年

壚頭憶別薊門煙轉眼飄零已十年達似劉伶爲  
酒市才如李白是詩仙人言豪士都無用我信長  
林獸有緣世外清狂誰禁得萬山遊屐五湖船

輓沈茂仁太史

蘭桂翻同秋草萎歲星金馬竟何之斷機露浥朱  
顏淚故度霜緘黃綃辭老去延陵羸博恨夢來元



伯汝南期何人對掌虛皇案新哭王生埋玉詩

謂季孺也

馮開之金伯韶載酒邀同陳伯苻夜泛得花

字

某旆載路鬼盈車天放賢豪理釣槎帆影薄雲迷  
鴈渚人聲遠火逗漁家丁年行樂惟蓮醕子夜高  
歌入葦花醉卧蓬窓催曙色不知霜露在蕪葭

余伯佑公子携酒邀陪龍伯貞大夫登烟雨樓

朱欄遠近萬家連下規通波上接天傍郭酒船邀

落日滿湖漁火亂疎烟僧叅水觀堪成佛客借樓  
居卽是仙聖到夜分人籟息寒沙孤月大颿并

攜李別龍伯貞悽然有懷作

交情直在上皇前紫日驩同攜李舩豪素神來馳  
萬景團焦定去息諸緣朝行紅樹霜彌野夜泊黃  
蘆月滿天別後他鄉知己少僧寮佛火轉悽然

李玄白携酒邀同馮開之賀伯闇張文若項  
民逸酌天寧山房

寒夜香臺滿月輪相逢俱是素心人酒中逸氣超

三界世外清言斷六塵失路物情看轉薄論交我輩晚逾真何當共結東林社木榻禪燈寄此身

訪項民逸太學賦贈

聞君才美思玄超入室泠然意也消書架函函惟佛藏香燈半偈似僧寮天寒河上陵苕折歲暮山中叢桂招對汝便堪忘逆旅人生何地不萍飄

項墨林招同沈純父馮開之諸君夜集

千載聞君清閑閣似蒐羣玉上崑崙踞多二代司空賞文有千秋班馬存盡道紫雲連寶氣默憐紅

燭照玄言生綃光研隴縻濕竹色梅香撲酒尊

贈萬叅知

燕寄鄧張二太史

落葉新驩勝舊知譚禪初地把金卮黃冠許邁羌  
堪似白業何充父見推貝葉經開香氣滿蓮花漏  
永燭光遲君鄉故有廬山社願結他年物外期  
豫章八百龍沙識仕路風塵多至人我煉大還慙  
許葛君譚小品勝珣珉宰官不廢華嚴藏道果將  
無金粟身寄語鄧張雙太史定堪三咲虎溪濱

訪李叔玄民部吳關

昔別軒輅百尺臺獸携雲霧卧蒿萊清猿自領壺  
人旦野鹿常隨山客回無事日長身轉嬾有書天  
遠意難裁如今尹喜爲關吏敢說青牛紫氣來  
入口蒼茫行李卑交河水合路應難繁霜近馬山  
橋折晚日孤城朔漠寒以我琴書逢落莫感君尊  
酒數交驩故人若問歸棲事解葉裁衣籜製冠  
贈賑荒使者楊直卿給事

吳越頻年陽九留歌成鴻雁事堪哀千家井竈無  
煙火四野溝塍有草萊不是天王眷南顧何緣使

者向東來、海濱詔下人人泣、日月高臨瘴癘開、  
東南豈謂主恩偏、杼軸蕭蕭條實可、憐國計盡蠲山、  
澤賦重書大發水、衡錢極天雨露銀、河海動地風、  
雲王節傳手布陽和收、沴氣即今臘雪兆豐年、  
五雲宮闕赤霄間、萬里星槎碧海灣、爲撫流離行、  
郡國暫辭俱奉出、朝班到來車蓋棠陰滿、坐使閭、  
閻菜色還父老、壺漿迎馬首、歡聲如覩至尊顏、  
南服循良綰邑符、東方乘傳更來蘇、聞關荒政毒、  
州粟慷慨流民鄭俠圖、宮禁近聞朝減膳、石壕不

復夜催租乾坤整頓須公在解道功高賞亦殊

投贈錢淵甫

一別湖頭歲累移曾將群從醉金卮林垂橘柚香  
生戶霜落芙蓉秋滿陂但憶持螯真自快何嘗緘  
鯉寄相思今來重聽銅鞮曲山簡無妨倒接羅  
千里生芻義屬誰故人嗔我我何辭終成一水銀  
河隔安用千行錦字爲暮雨便操青雀下秋風先  
遣白楊知截髮剗薦今無有把酒同吟蒿里詩

吳江舟中別沈孟嘉

長河水合路湯湯最喜夫君共本蘭一道風沙憐  
萊蕪千秋意氣尚衝冠霜烏欲破平林晚寒蠟燭  
燒子夜闌歲晏相逢便分手燒來美酒是愁端

吳門尋朱太復不遇明日置酒相招傷離道  
故懷然興懷賦贈

冰泮長河水漸流故人只在百花洲吳門死練應  
難見笠澤扁舟豈易求我自鳴榔歌欸乃君今倚  
酒聽空篴相逢莫問浮沉事乞得黃冠對白鷗

送陳公衡北上



仙今飛鳧入漢京循良文苑並馳名闔閭城外千  
艘凍大帝陵前一騎行原坂草枯胡雁下津樓月  
落野鷄鳴到時燕市風光滿萬戶煙花輦色平

送劉景孟兵使叅知江右

君侯有道出專征聖鎮三年戢五兵破浪樓船橫  
海使挿天銅柱伏波營蛟川雲偃旌旗色雉堞風  
清絃誦聲此日楚藩移節去威名江介表長城

謝李使君惠牡丹

求仲能憐蔣逕荒名園分得百花王過吳桃李還

皆醉入越蕪葭水亦香月姊時聞供夜寢風姨不  
敢妬新妝還思明歲花開日安得君來共舉觴

已丑冬日同新都羅伯符宛陵梅孺子七閩  
朱子命鹽官劉今爨集王百谷半偈菴

早悟馮驩市道言翟公何事又書門從他蒼狗浮  
雲變獸禽青松皎日存伯喈塚前枯草色霽脊江  
上凍潮痕湖田蟬螭蹲鳴美且醉君家濁酒尊

吳門逢梅孺子

偶來吳市逢梅尉遂憶陵陽訪子明襟被有時同

水宿尊壘無日不出行星辰喜作他鄉聚松桂重  
尋隔歲盟雁柱鵲絃堪慢世霜天且醉闔閭城

冬日管登之邀同錢功甫泛舟石湖登看臺  
入治樂寺談禪作

寒沙宿莽集鳬鷺亂石荒臺走鹿麕星聚史占吳  
分野舟行人指越來溪登臨祇嘆豪華短銷滅因  
參物理齊劫火業風吹不到真常唯有証菩提

王百谷齋頭贈劉今彝今彝余故同季劉敬  
修弟

親從開士飲醍醐火照香臺映必芻已覺塵心消  
王磬況逢佳客聖水壺交深雅道千秋在語入空  
宗半偈無康樂彫殘憐小謝漸看文藻擅菰蘆

盧思仁年丈抗疏廷杖落職隨有尊公之喪

寄贈

死諫深期堊北印生還何意指東陽風塵不染孤  
臣色日月難銷烈士腸萬里青冥看鵲擊百年黃  
土近烏傷一身忠孝君無媿名姓長留國史香

栖真館集卷之九

四明屠隆歸真著

會稽呂胤基充符選

七言絕句

明農

綸巾野服到田家  
夾岸深溪帶淺沙  
柳色乍嬌鶯語細  
水痕飛破鷺行斜

呼童甕酒餉東菑  
正是條風詒宕時  
隴上微茫烟似織  
犁頭霖霖雨如絲

昨檢農書上有年相逢父老各欣然秋來欲釀松  
花酒先問溪南種秫田

一涉郊垆遠市塵蕭然林下得閒身倦來便狎沙  
鷗望野老那知是賢人

余性不能飲自嘲四首

襄陽羞過習家池日暮何緣倒接羅芳草空青水  
空綠笑人花事到辛夷

其二

跌醒真自媿三閭惟悴浮生骨未枯何以劍中澆

磊塊姓名不入步兵厨

其三

生憎頭上溧陽巾  
燕語鶯歌恰送春  
不醉中山千日酒  
空孤彭澤百季身

其四

兩行紅燭照金釵  
團扇盈盈楚調哀  
北斗暗移東海逝  
一杯誰與酹蒼苔

瀟湘八景

江天暮雪

布颿獸挂鳥飛霞黑雲垂垂雪滿江日暮潮平東  
野艇賣魚買酒醉蓬窓

山市晴嵐

參差樹杪見人家縹緲盤空磴道斜酒舍青帘翻  
薜荔僧寮黃葉暎袈裟

瀟湘夜雨

楚天雨氣壓琅玕帝子凌空玉珮寒細浪千層沉  
白芷濃陰一夜長紅蘭

洞庭秋月



夜寒神女出凌波月白其如桂露何  
寶瑟聲殘霧滅不知衣上淚痕多

煙寺晚鍾

千尋松栢暗成圍遙見花宮隱翠微  
日落鍾殘香積飯蒼茫雨外一僧歸

漁村夕照

亂帆投浦暮烟紫夕陽返照江水渾  
楊柳貫魚花曬網老翁三五望柴門

平沙落雁

洞庭風急雁行斜  
拂雨拖烟逗淺沙  
日暮倦飛秋水濶  
閑隨漁艇過蘆花

遠浦歸帆

湘江天遠片颿遲  
陡插孤峰日倒垂  
眇眇似從銀漢下  
親逢織女乞支機

王母謠六言詩龍伯貞仙鶴

龜臺金母惣羣靈  
十二璚華三洞經  
校勘人間修煉事  
行宮處處羽輪停

紫翠丹房碧玉欄  
闌風臺下列仙官  
西王親注長

生藉萬歲永桃幾度餐

崑崙遠出大荒西四照化高日月低玄閤九層扶  
碧落紅泉百丈挿丹梯

天姿奄靄絕人間火赤霜袍侍阿環靄鳥一聲花  
盡放千官指引拜仙班

武陵溪口是卿家阿母相將龍鳳車仙酒千鍾酌  
甘露天衣五色剪明霞

黃瑩碧蒲周滿駕纓冠文履漢宮趨千季重見仙  
人蹟六甲靄飛五岳圖

題 爲戴汝誠司成

風煙江樹莽蕭森黃葉踈踈秋滿林  
沙上天空人極目一行寒雁落雲深

九卷終

贈舍郎從龍文學

惟密子

才子何妨跨竈名  
小時意氣太縱橫  
阿翁絲筆爲衣鉢  
看取他年賦二京

汗血龍駒種不羣  
學裁秀句已凌雲  
老予才盡焚遺草  
惟有如來懺悔文

贈呂二公孫中  
高受室陶懋中  
比部懋中余好友也

香車隱隱喧清吹  
花燭熒熒照錦衾  
浪說秦宮騎鳳事  
王家坦腹本山陰

君家樂令余知己快壻千秋衛玠看風度真成攀  
王樹交情端合擬金蘭

浣花亭四晉爲呂王繩賦

鼎隆孤亭抱水斜麻姑日日對峰霞月明晚逕閒  
調鶴雨過春流細浣花

不厭歌鍾起市塵青山一一在簾前城邊鳥道懸  
流水樹裏人家隔暮烟

幽竺半畝蔭檀栾中有黃綠白玉冠野鳥不知山  
客坐誤來花外立雕闌

玻璃山頂凌空敞亭下時來飲野麋  
沉水在爐書在架一牀涼月挂松枝

賦得五湖一舸爲梅禹金娶吳姬

金昌士女看如雲南國西園忽出羣  
湔路香塵燒絳蠟鄴都疑迂薛靈芸

何如十五嫁王昌繡被花牋疊兩行  
千騎使君來作合一時名士賦催粧

范蠡何須霸越功西施那是出吳宮  
曉粧不肯推蓬望羞見芙蓉並蒂紅

首揭紅羅紗扇開燈前偷覩却羞也知不爲琴  
心動曾見相如詞賦來

惟底老奴渾欲死定應公主見猶憐不須要買倉  
庚肉想望紅樓調夜絃

名花西院隔離欄新種青棠號令歡縱使絃歌西  
第好莫教風雨北窓寒

遊仙二十首

香遶靈壇不接厨四時花發映瑤輿都無甲子無  
靈草千年不一枯



羣仙昨日謁元君  
龍笛聲中萬騎分  
輦路不泥  
玉砌人來步步踏紅雲

千季露液何曾釀  
五色霞衣不用裁  
小史調笙鋪  
席罷金龍鸚鵡報花開

別館行宮半是霞  
人間那得似仙家  
朝來白霧能  
褰箔夜有丹泉自灌花

度師引到  
玉皇前寶殿金書耀日懸  
勅撰紫宸  
供奉曲賜來龍管鳳紋箋

雲笈霞箱鶴寄書  
天風海浪劍凌虛  
山河掌大頤

史遍不向人間買犢車

金沙軟草漲新隄王乳霧泉識舊溪一往人間真  
孟浪桃花容易使人迷

一片荒郊秋牧馬曾經華屋廢椎牛紅亭綠樹千  
季在何必層城十二樓

戲叱白龍龍自徙咲鞭蒼虎虎猶嗔冷風穩趁綃  
衣薄歸到花臺有月輪

日落鴟梟啼灌莽天寒孤兔走空山墓門盡是英  
雄骨何不從人乞大還

萬樹琪花散玉扉  
九光傳帖會安如  
鮮雲散盡遙天碧  
閒看前山放鶴歸

青兕班麟列兩行  
仙人綵筆染爐香  
清都那有閒文字  
刳運書成隸九皇

羣姬結伴跨飛龍  
霞帔鮮鮮海日紅  
狡若麻姑充戲劇  
倒翻高浪插蛟宮

環珮歸從萼綠家  
風來簾外萬花斜  
也知侍女無春思  
閒倚紅條揲鳳車

撒手塵寰歸上清  
消除煩惱斷浮名  
世人若問仙

都景不謝奇花不夜城

非金非玉綴鸞釵無線無痕刺鳳鞋  
霧鳥銜珠飛忽下悞疑明月到瑤堦

大嘯天門風雨呼戲傾海水入葫蘆  
紛紛下趺蜉蝣子得似精陽鷄犬無

但看玉液心中降莫論金精肘後飛  
擘破虛空擒日月好驂鸞鶴上清微

飛瀑春烟蛻碓收石牀茅屋對眠鷗  
荒嶺叫冷冷溪月一衲空山露氣秋

一緉芒鞋四海忙何如田畝覓霽光爲言鹿死無  
生訣即是龍宮不死方

山行

霞氣千條射雪山河流一髮界松關荒原車馬駸  
駸去愛殺溪鷗盡日間

喧喧澗水急空舫流到迴塘響自停竹裏短筇三  
五舍沙晴溪午亂煙青

日暮山寒路轉幽征途不復問貂裘水禽個個橫  
溪面霜葉紛紛撲馬頭

屋外山屏盡插天道旁野燎半繞山半鏡黃土人  
栽麥一甕青溪女汲泉

古木蕭蕭野雀喧望來遠近白雲屯水臨絕岸疑  
無路山轉平岡又見村

巔岈峭壁狀真竒仄徑斜穿一線危石鏡倒臨潭  
水黑腥風疑有凍蛟窺

續溪道中寄吳明府

山抱孤城水抱邨洪濤巨石盡東奔此中合住神  
仙今日日煙霞在縣門

千里饑傷道路難  
萬家郊屋水痕殘  
猗餘此地山  
山熟茂宰應知是  
淮壇

病裏看山不自聊  
勞過逆旅慰蕭條  
一官久謝陶  
彭澤猶是當時嬾  
折腰

明府過余蕭寺以腰疾辭

濟南殷子新秘書  
携酒訪余建初寺

何來白皙秘書郎  
云自天門日觀傍  
手采三花分  
海氣霞衣五色帶  
爐香

東方千騎破蒼苔  
雪滿高松凍未開  
不謂道人持  
酒禁青州携得麴  
君來

壽喬明府

絳節芝童鶴逕斜使君骨法帶烟霞不須環珮來  
羅郁酒熟香清縣裡花

丹霞紫霧映凋觴小史來歌大洞章未必秦宮同  
採藥且看藻殿待含香

黃白仲道兄過訪贈別十二首

道民與白仲並以奇服高名爲郡人目譸說夫  
衆之黨議遂起虎口脫歸飄馬入道白仲奉佛  
長齋一返恬寂向來談官之氣都盡相見悲喜  
爲賦十二絕請從此各燒筆可

孝女江邊百尺濤忽驚門外位輕舸彌衡不死黃



江夏留得句中五色豪

虎口歸來各問年  
黃河高浪片颿前  
我尋東海三山草  
君覓西方九品蓮

對君疑與世相違  
一鶴環鐘守白扉  
落日更登池上閣  
晴霞片片墮人衣

木患軍持對竹牀  
向來意氣失飛揚  
聲聲鳥語俱仙樂  
樹樹花開是佛香

瀟瀟雨雪下幽州  
便訪瞿硎擁鹿裘  
自謝時人揮手去  
五湖秋水一漁舟

星霜已改佳人鬢  
冰雪應凋壯士顏  
好似今威華表鶴  
去家千載一來還

季季織錦數行啼  
驚喜開門到馬蹄  
何用東方千騎賁  
歸來好共鹿門棲

何言遊子行方倦  
直是飛僊不可羈  
萬里到家纔六日  
阜鄉亭畔訪安期

大業千秋猶屬刃  
丈夫四壁不言貧  
長安都市今休詫  
已是蓮花座上人

當時同挂黨人名  
今日連鑣謁上清  
桐栢八

分治何卒並道鶴書迎

水暖金沙魚出蚤苔深花逕鹿行遲都忘甲子山中住不復春糧只茹芝

黃冠白氎世緣空越絕翼棲是而雄猶憶都門豪  
舉事桃花飛騎酒樓中